



**PEKELILING PENTADBIRAN
BILANGAN 16 TAHUN 2018**

**PENJENAMAAN SEMULA
PUSAT PEMBANGUNAN KEUSAHAWANAN (PPK)
KEPADA
CENTRE FOR ENTERPRISE AND
TECHNOPRENEURSHIP DEVELOPMENT (CREATE)**

Pejabat Pendaftar
23 Mac 2018 | 5 Rejab 1439H

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 7 (16)

23 MAC 2018
5 REJAB 1439H

PEKELILING PENTADBIRAN BIL. 16/2018

PENJENAMAAN SEMULA PUSAT PEMBANGUNAN KEUSAHAWANAN (PPK) KEPADA *CENTRE FOR ENTERPRISE AND TECHNOPRENEURSHIP DEVELOPMENT (CREATE)*

1.0 TUJUAN

Pekeliling Pentadbiran ini dikeluarkan bertujuan untuk memaklumkan kepada semua staf dan pelajar mengenai keputusan Mesyuarat Eksekutif Bil. 2/2018 bertarikh 20 Februari 2018 yang telah meluluskan penjenamaan semula Pusat Pembangunan Keusahawanan (PPK) kepada *Centre for Enterprise and Technopreneurship Development (CREATE)*, Universiti Teknikal Malaysia Melaka (UTeM).

2.0 LATAR BELAKANG

- 2.1 Keusahawanan adalah kunci utama dalam mempromosikan pertumbuhan ekonomi dengan menyumbang kepada Keluaran Dalam Negara Kasar (KDNK), merangsang pelaburan dan menjana pekerjaan. Dalam konteks negara Malaysia, Kementerian Pengajian Tinggi (KPT) telah menubuhkan Dasar Pembangunan Keusahawanan (DPK) bertujuan untuk menggalakkan dan memantapkan pembangunan keusahawanan yang lebih terancang dan holistik di kalangan Institusi Pengajian Tinggi (IPT) tempatan. Aktiviti keusahawanan telah lama diakui sebagai pemangkin kepada pembangunan ekonomi di samping bertindak sebagai penggerak utama dalam meningkatkan tahap inovasi, kreativiti dan daya saing sesebuah negara.
- 2.2 Bagi merealisasikan agenda KPT, peruntukan disalurkan kepada seluruh Universiti Awam (UA) termasuklah UTeM pada setiap tahun sebagai satu suntikan kepada UA untuk bergiat aktif dalam memperkasakan aktiviti-

aktiviti keusahawanan di kalangan pelajar. Pihak KPT juga telah menetapkan penilaian *Key Performance Index* (KPI) terhadap setiap UA untuk memastikan UA melaksanakan aktiviti-aktiviti keusahawanan yang memenuhi agenda utama KPT.

- 2.3 Penjenamaan semula PPK kepada *CREATE* bertujuan memberikan nafas baru kepada imej Pusat Keusahawanan UTeM menerusi nama organisasi yang lebih global dan antarabangsa sesuai dengan arus kemajuan dan kemodenan dalam bidang pendidikan dan keusahawanan. Penjenamaan semula ini juga bertujuan melaksanakan transformasi dalam penstrukturan organisasi bagi memantapkan sistem tadbir urus dengan ciri yang lebih dinamik, cekap dan berkesan dalam mengembangkan fungsi sebagai sebuah pusat keusahawanan.

3.0 PELAKSANAAN

- 3.1 Bagi mencapai matlamat ini, penstrukturan dan penjenamaan organisasi diyakini dapat membantu mengembangkan fungsi organisasi agar menjadi lebih mantap dan komprehensif dalam memastikan UTeM terus membina reputasi sama ada di peringkat nasional dan antarabangsa.
- 3.2 Pusat ini masih diketuai oleh seorang Pengarah dengan dibantu oleh seorang Timbalan Pengarah yang dilantik daripada kalangan ahli akademik UTeM.
- 3.3 Satu pangkalan data besar akan diwujudkan berperanan untuk membantu, memantau dan menguruskan data besar berkaitan aktiviti-aktiviti keusahawanan siswazah dan graduan UTeM. Pusat Perkhidmatan Pengetahuan dan Komunikasi (PPPK) akan memberi sokongan perkhidmatan pembangunan sistem yang bersesuaian mengikut keperluan pihak *CREATE*.
- 3.4 Bagi mendukung matlamat UTeM untuk melahirkan teknousahawan, inkubator berkaitan bidang-bidang tujahan UTeM telah diwujudkan. Matlamat Inkubator Teknousahawan yang dicadangkan adalah untuk

membantu mewujudkan dan mengembangkan perniagaan yang dimiliki oleh pelajar-pelajar UTeM dengan memberikan sokongan dalam bentuk perkhidmatan dan teknikal yang diperlukan. Secara tidak langsung, ianya dapat membantu usahawan baru bertahan untuk jangka masa yang lebih lama dalam perniagaan.

- 3.5 Unit Inkubator Teknousahawan ini akan diterajui oleh Felo Dalaman yang bertindak sebagai mentor kepada perniagaan pelajar yang ditempatkan di dalam inkubator tersebut. Beberapa Kluster diwujudkan di bawah inkubator dengan peranan iaitu:

3.5.1 E-Dagang dan perniagaan atas talian

Kluster ini akan menempatkan semua perniagaan pelajar/ bukan pelajar yang berkaitan dan dijalankan secara e-dagang dan atas talian.

3.5.2 Kejuruteraan dan teknologi

Kluster akan diisi oleh syarikat yang ditubuhkan oleh pelajar/ bukan pelajar yang menjalankan perniagaan berasaskan kejuruteraan dan teknologi.

3.5.3 Perundingan dan khidmat nasihat

Perniagaan yang mendiami kluster ini adalah milik pelajar/ bukan pelajar yang menawarkan perkhidmatan bagi membantu menyelesaikan masalah atau meningkatkan prestasi dan produktiviti usahawan atau syarikat lain.

3.5.4 Latihan dan pensijilan

Syarikat di bawah kluster ini akan menawarkan latihan-latihan keusahawanan yang sesuai dan terkini kepada para usahawan untuk memastikan mereka memperolehi kemahiran-kemahiran yang diperlukan bagi memajukan perniagaan.

- 3.6 Satu Jawatankuasa Keusahawanan peringkat Universiti diwujudkan di mana ahlinya terdiri daripada staf dan pelajar dari PTj dan Fakulti yang berperanan untuk menyelaraskan, merancang dan melaksanakan program-program keusahawanan di peringkat Universiti.

3.7 Carta Organisasi *CREATE* adalah seperti di **LAMPIRAN 1**.

4.0 TARIKH KUAT KUASA

Pekeliling Pentadbiran ini berkuat kuasa mulai **20 Februari 2018**.

Sekian, terima kasih.

"KOMPETENSI TERAS KEGEMILANGAN"

Saya yang menurut perintah,



MASDZARIF BIN MAHAT
Timbalan Pendaftar Kanan
Pejabat Pendaftar
ABQ

CARTA ORGANISASI
CENTRE FOR ENTERPRISE AND TECHNOPRENEURSHIP DEVELOPMENT (CREATE),
UNIVERSITI TEKNIKAL MALAYSIA MELAKA (UTeM)

